

**ҚАЗАҚСТАН РЕСПУБЛИКАСЫ ПРЕЗИДЕНТІНІҢ ЖАНЫНДАҒЫ  
МЕМЛЕКЕТТІК БАСҚАРУ АКАДЕМИЯСЫ**

**Қазақстан Республикасы Президентінің  
жанындағы Мемлекеттік басқару  
академиясы ректорының  
2024 жылғы «\_\_\_» \_\_\_\_\_ № \_\_\_\_\_  
бұйрығымен бекітілген**

**Қазақстан Республикасы Президентінің жанындағы  
Мемлекеттік басқару академиясының  
диссертациялық кеңесі туралы ереже**

**Астана, 2024**

## 1-тарау. Жалпы ережелер

1.1. Осы Қазақстан Республикасы Президентінің жанындағы Мемлекеттік басқару академиясының диссертациялық кеңесі туралы ереже (бұдан әрі – Ереже) Қазақстан Республикасы Білім және ғылым министрінің 2011 жылғы 31 наурыздағы № 126 бұйрығымен бекітілген Диссертациялық кеңес туралы үлгі ережеге және ҚР Білім және ғылым министрінің 2011 жылғы 31 наурыздағы №127 бұйрығымен бекітілген Дәрежелерді беру қағидаларына (бұдан әрі – Дәрежелерді беру қағидалары) сәйкес әзірленді.

1.2. Осы Ережеде мынадай ұғымдар пайдаланылады:

1) диссертациялық кеңес – докторанттардың диссертациялық жұмыстарын қорғауды жүргізетін Қазақстан Республикасы Президентінің жанындағы Мемлекеттік басқару академиясының (бұдан әрі – Академия) жанындағы алқалы орган;

2) философия докторы (PhD), бейіні бойынша доктор – Қазақстан Республикасында немесе одан тысқары жерлерде ғылыми-педагогикалық бағыт немесе кәсіптік қызметтің тиісті саласы бойынша докторантураның бағдарламасын меңгерген және диссертация қорғаған адамдарға берілетін, Қазақстан Республикасының заңнамасында белгіленген тәртіппен танылған дәрежелер.

1.3. Диссертациялық кеңес:

- ұсынылған диссертациялардың Дәрежелерді беру қағидаларында белгіленген өлшемдерге сәйкестігін айқындайды;

- философия докторы (PhD), бейіні бойынша доктор дәрежесін береді;

- осы Ережеде айтылған тәртіппен талдау жүргізеді және өз қызметі туралы есеп береді;

- осы Ережеде белгіленген басқа да өкілеттіктерді жүзеге асырады.

1.4. Диссертациялық кеңес диссертацияларды қорғау бойынша қабылданатын шешімдердің сапасы, объективтілігі мен негізділігі үшін жауап береді.

## 2-тарау. Диссертациялық кеңестің қызметін ұйымдастыру

2.1. Диссертациялық кеңестерді Академия 3 (үш) жұмыс күні ішінде Комитетті хабардар ете отырып, күнтізбелік 3 (үш) жылға дербес құрады және Академияда кадрлар даярлаудың тиісті бағыттары бойынша төмендегілер болған кезде жұмыс істейді:

1) докторантура бағдарламасы бойынша білім беру қызметімен айналысуға арналған лицензиялар және (немесе) лицензияға қосымшалар;

2) «Білім туралы» Қазақстан Республикасы Заңының (бұдан әрі – Заң) 22-бабының 2-тармағына сәйкес соңғы 3 (үш) жыл ішінде Жоғары оқу орнынан кейінгі білімнің білім беру бағдарламаларының тізілімінде докторантураның білім беру бағдарламалары;

3) ҚР Ғылым және жоғары білім министрлігі туралы ереженің 15-тармағының 21) тармақшасына сәйкес Аккредиттелген жоғары және

жоғары оқу орнынан кейінгі білім беру ұйымдарының білім беру бағдарламаларының тізіліміне енгізілген және кемінде 3 (үш) жыл мерзіммен аккредиттелген докторантураның білім беру бағдарламалары;

4) соңғы 3 (үш) жылда ҚР Ғылым және жоғары білім министрлігі туралы ереженің 15-тармағының 3) тармақшасына сәйкес бөлінген 1 (бірінші), 2 (екінші) және 3 (үшінші) оқу жылына даярлау бағыты бойынша мемлекеттік білім беру тапсырысы негізінде білім алушылар контингенті.

2.2. Диссертациялық кеңесті құру туралы өтінімді Академияның ғылыми қызмет жөніндегі вице-ректорынан тиісті қызметтік жазбаны және Ережеге 1-қосымшаға сәйкес нысан бойынша диссертациялық кеңестің тұрақты мүшелігіне үміткерлер туралы ақпаратты алған күннен бастап 30 (отыз) жұмыс күні ішінде Академияның Ғылыми кеңесі қарайды.

2.3. Диссертациялық кеңес құру туралы ақпарат Академия ректорының бұйрығы шыққан күннен бастап 5 (бес) жұмыс күні ішінде Академияның интернет-ресурсында жарияланады.

2.4. Диссертациялық кеңестің құрамына көп дегенде 7 (жеті) адам кіреді. Диссертациялық кеңестің барлық мүшелерінің ғылыми дәрежесі (ғылым докторы, ғылым кандидаты, философия докторы (PhD), бейіні бойынша доктор) немесе философия докторы (PhD), бейіні бойынша доктор академиялық дәрежесі немесе философия докторы (PhD), бейіні бойынша доктор дәрежесі болады.

Диссертациялық кеңестің кемінде 3 (үш) мүшесі басқа жоғары және (немесе) жоғары оқу орнынан кейінгі білім беру ұйымдарының (бұдан әрі – ЖЖОКБҰ), ғылыми және (немесе) басқа ұйымдардың өкілдері болып табылады.

Диссертациялық кеңестің құрамында 4 (төрт) мүше тұрақты мүшелер болып табылады, оның ішінде диссертациялық кеңестің төрағасы, төраға орынбасары және ғалым хатшысы тұрақты мүшелер болып табылады.

Диссертациялық кеңестің құрамында диссертациялық кеңестің 3 (үш) мүшесі докторлық зерттеу саласына қарай докторанттың қорғау кезеңіне уақытша тағайындалады.

Диссертациялық кеңестің уақытша мүшелері ретінде докторанттың ғылыми кеңесшілері, сондай-ақ докторантпен немесе оның ғылыми кеңесшісімен үлестес тұлғалар:

1) жақын туыстар – ата-аналар (ата-ана), балалар, асырап алушылар, асырап алынғандар, ата-анасы бір және ата-анасы бөлек ағалы-інілер мен апалы-сіңлілер (аға-қарындастар), ата, әже, немерелер;

2) Академияның құрылымдық бөлімшелерінің басшылары мен қызметкерлері;

3) соңғы 3 (үш) жыл ішінде бірге жариялаған мақалалардың және шолулардың тең авторлары;

4) соңғы 3 (үш) жылда диссертацияның мазмұны бойынша ҚР Ғылым және жоғары білім министрлігі Ғылым және жоғары білім саласындағы бақылау комитетінің (бұдан әрі – Комитет) теріс шешімін алған

диссертациялар бойынша оң қорытынды берген ғылыми кеңесшілер немесе ресми рецензенттер болған мамандар тағайындалмайды.

2.5. Диссертациялық кеңестің құрамына:

- Академия ректоры;
- Қазақстан Республикасы Ғылым және жоғары білім министрлігінің қызметкерлері;

- соңғы 5 (бес) жыл ішінде диссертацияның мазмұны бойынша Комитет пен диссертациялық кеңестің теріс шешімін алған диссертациялар бойынша жетекшілер, ғылыми кеңесшілер болған мамандар кірмейді.

2.6. Академия жанындағы диссертациялық кеңестердің құрамында кеңес мүшелерінің бірі шетелдік ғалым болады. Диссертациялық кеңес мүшелерінің жарияланымдарына қойылатын талаптарды Академия дербес белгілейді.

2.7. Академия жанындағы диссертациялық кеңестердің кемінде 4 (төрт) мүшесінің соңғы 5 (бес) жылда Web of Science Core Collection (Вэб оф Сайнс Кор Коллекшн) (Arts and Humanities Citation Index бөлімдері (Артс энд Хьюманитис Цитэйшэн Индекс), Science Citation Index Expanded (Сайенс Цитэйшэн Индекс Экспандид), Social Sciences Citation Index (Сошиал Сайенсиз Цитэйшэн Индекс) деректер базасында индекстелетін және Clarivate Analytics (Кларивэйт Аналитикс) компаниясының Journal Citation Reports (Жорнал Цитэйшэн Репортс) деректеріне сәйкес алғашқы үш квартильге кіретін немесе Scopus (Скопус) деректер базасында Citescore (СайтСкор) бойынша процентиль көрсеткіші кемінде 35 (отыз бес) болатын басылымдарда кадрлар даярлау бағыттарына сәйкес келетін ғылыми салалардың бірі бойынша кемінде 2 (екі) жарияланымы болады.

Халықаралық рецензияланатын ғылыми журналдарда 2 (екі) ғылыми мақала ретінде соңғы 5 (бес) жылда – сенімді баспаларда немесе US News Best Global Universities Rankings (ЮС Ньюс Бест Глобал Юниверситис Ранкинс) немесе Academic Ranking of World Universities (Академик Ранкин оф Ворлд Юниверситис) немесе Times Higher Education World University (Таймс Хайр Эдюкейшн Ворлд Юниверсити) топ-100 (жүз) рейтингіндегі университет баспасында шығарылған монография ескеріледі. Жоғарыда көрсетілген монографияда тарау болған жағдайда (ізденушіге кемінде 3 (үш) баспа табағы тиесілі) ол халықаралық рецензияланатын ғылыми журналда 1 (бір) мақала ретінде есепке алынады.

2.8. Диссертациялық кеңестің тұрақты құрамы және ондағы өзгерістер Ғылыми кеңестің шешімі негізінде ректордың бұйрығымен бекітіледі, бұл ретте кеңестің төрағасы және ғалым хатшысы Академияның штаттық қызметкерлері болуға тиіс.

2.9. Академия:

1) диссертациялық кеңестің отырыстарын және диссертацияларды ашық түрде қорғауды өткізу үшін қажетті жағдайлармен, оның ішінде ақпараттық-коммуникациялық технологияларды, бағдарламалық және техникалық құралдарды пайдалану арқылы;

2) диссертациялардың мәтінді пайдалануды анықтаудың лицензиялық жүйелерінде, оның ішінде халықаралық деректер базалары бойынша тексерілуін қамтамасыз етеді.

3) диссертациялық кеңестің қызметіне байланысты шығыстарды, оның ішінде диссертациялық кеңес мүшелерінің іссапар шығыстарын төлеуді қамтамасыз етеді.

2.10. Академияда кадрлар даярлаудың нақты бағыты (мамандығы) бойынша диссертациялық кеңесті жабу үшін төмендегілер негіз болып табылады:

1) докторантураның тиісті кадрлар даярлау бағыттары бойынша білім беру қызметімен айналысуға берілген лицензиясынан айыру;

2) докторантураның білім беру бағдарламасын аккредиттеу мерзімінің аяқталуы немесе кері қайтарып алынуы;

3) осы Ереженің талаптарын бұзу анықталған 5 (бес) қорғаудың өткізілуі.

Диссертациялық кеңес жабылғаннан кейін сол білім беру бағдарламалары бойынша жаңа диссертациялық кеңес құруға кемінде 1 (бір) жылдан кейін жол беріледі.

Диссертациялық кеңестің осы Ереженің талаптарын бұзуы диссертациялық кеңестің тұрақты құрамын ауыстыру үшін негіз болып табылады (3 (үш) қорғау бұзушылықтармен өткізілген кезде).

### 3-тарау. Диссертациялық кеңестің функциялары

#### 3.1. Диссертациялық кеңестің функциялары:

1) диссертацияны қорғауға құжаттарды қабылдау;

2) диссертациялық кеңестің уақытша мүшелерін, қорғау күнін және ресми рецензенттерді тағайындау;

3) диссертациялық кеңес мүшелерінің құрамынан докторанттың авторы мен дереккөзіне сілтеме жасалмаған бөтен материалды пайдаланғанын (плагиат) тексеру үшін комиссия (бұдан әрі – диссертациялық кеңестің комиссиясы) құру;

4) диссертацияны ашық түрде қорғауды өткізу;

5) диссертация бойынша шешім қабылдау;

6) осы Ережеде белгіленген басқа да функциялар.

#### 3.2. Диссертациялық кеңес төрағасының функциялары:

1) Диссертациялық кеңестің қызметін жалпы басқарады;

2) кеңестің отырыстарын өткізеді;

3) белгіленген талаптарға сәйкес диссертацияны қорғауды өткізу құқығының сақталуын қамтамасыз етеді;

4) Диссертациялық кеңестің қызметі мен жұмысын ұйымдастыруға жауапты болады.

#### 3.3. Диссертациялық кеңес төрағасы орынбасарының функциялары:

- егер кеңес төрағасы қорғалатын диссертация бойынша ғылыми кеңесші болып табылса, сондай-ақ диссертациялық кеңес төрағасы болмаған жағдайда,

кеңес отырысын өткізу жөніндегі диссертациялық кеңес төрағасының функцияларын орындайды.

3.4. Диссертациялық кеңестің ғалым хатшысының функциялары:

1) диссертацияны қорғауға қабылдау және қорғауды жүргізу рәсімдерін ұйымдастыру;

2) диссертацияны «Антиплагиат» жүйесі бойынша тексеруге, Академияның Ақпараттық-ресурстық секторына, Қазақстан Республикасының Ұлттық академиялық кітапханасына және Қазақстан Республикасының Ұлттық кітапханасына, ресми рецензенттерге жіберу;

3) Диссертациялық кеңестің қызметі бойынша хат-хабарларды жіберу;

4) Диссертациялық кеңестің сайтына материалдар мен ақпаратты жариялау;

5) Диссертациялық кеңестің отырысына, оның ішінде бағдарламалық және техникалық құралдарды дайындау;

б) Диссертациялық кеңестің құжаттарын рәсімдеу;

Хат-хабар ғалым хатшының ресми корпоративтік поштасынан жіберіледі. Ғалым хатшының міндеттерін өзге адамдарға, оның ішінде докторантқа жүктеуге жол берілмейді.

3.5. Диссертациялық кеңестің мүшелері:

1) объективті, толық және дәйекті мәліметтерді ұсынады;

2) диссертация қорғауға қатысты деректерді жасыруға жол бермейді;

3) ғылыми этиканың бұзылу фактілеріне ден қояды;

4) шешім қабылдағанда қоғамдық пікірдің, тараптардың бірінің немесе үшінші тараптың әсеріне тәуелді болмайды;

5) мүдделер қақтығысының алдын алу және реттеу бойынша шаралар қабылдайды;

б) қызмет бабында кеңестің басқа мүшелерінің, докторанттардың, ғылыми кеңесшілер мен ресми рецензенттердің ары мен абыройына нұқсан келтіретін дәрекі, қорлайтын сөздерді, айыптауларды пайдаланбайды.

Осы тармақта көрсетілген талаптардың орындалмау фактілері анықталған жағдайда диссертациялық кеңестің мүшесі оның құрамынан шығарылады.

3.6. Күнтізбелік жыл аяқталғаннан соң диссертациялық кеңес осы Ережеге 2-қосымшаға сәйкес нысан бойынша Комитетке диссертациялық кеңестің жұмысы туралы есеп береді.

3.7. Қорғауға құжаттар қабылданғанға дейін Академияның бейіндік институтының кеңейтілген отырысында (бұдан әрі – кеңейтілген отырыс) диссертацияны алдын ала талқылау өткізіледі.

Кеңейтілген отырыс өткізуден 1 (бір) ай бұрын диссертация докторанттың ғылыми зерттеу саласы бойынша ғылыми дәрежесі (ғылым докторы, ғылым кандидаты, философия докторы (PhD), бейіні бойынша доктор) немесе философия докторы (PhD), бейіні бойынша доктор академиялық дәрежесі немесе философия докторы (PhD), бейіні бойынша доктор дәрежесі бар 2 (екі) маманға рецензияға жолданады.

3.8. Рецензенттер рецензияны жазбаша түрде ұсынады. Рецензия мынадай тармақтарды қамтуы тиіс: зерттеу тақырыбының өзектілігі (оның ішінде диссертация тақырыбының ғылымды дамытудың басым бағыттарына және/немесе мемлекеттік бағдарламаларға сәйкестігі), ғылыми нәтижелер, олардың негізділігі мен жаңалығы, ғылыми нәтижелердің практикалық және теориялық маңыздылығы, олардың сенімділік дәрежесі, докторанттың ғылыми нәтижелер алуға жеке қатысуы, қорғауға шығарылатын қағидаттардың дәлелденуі, диссертация материалдарының толыққанды басып шығарылуы, диссертация мәтінінде және докторанттың жарияланымдарында заңсыз көшіріп алудың бар-жоғы, ескертулер мен ұсыныстар. Рецензиялар докторантқа кеңейтілген отырысқа дейін 5 (бес) жұмыс күнінен кешіктірілмей беріледі.

3.9. Кеңейтілген отырысқа Академияның бейіндік институты мүшелерінің кемінде 2/3 (үштен екісі), рецензенттер, ғылыми консультанттар, сондай-ақ Академияның байланысты (жақын) құрылымдық бөлімшелерінің, ғылыми және басқа ұйымдардың өкілдері, практик мамандар (қолданбалы сипаттағы диссертациялар үшін) қатысады. Диссертацияны қорғауға ұсыну туралы шешім қарапайым көпшілік дауыспен қабылданады. Егер диссертация Дәрежелерді беру қағидаларының 4, 5 және (немесе) 6-тармақтарына сәйкес келмеген жағдайда диссертация қорғауға жіберілмейді.

Қорғауға ұсынылған диссертация бойынша ескертулерді докторант диссертацияны олармен келіскен жағдайда диссертациялық кеңеске бергенге дейін жояды.

Консультанттар болмаған жағдайда, отырыста докторанттың диссертациясы бойынша консультанттардың пікірлерін төрағалық етуші немесе хатшы оқиды.

3.10. Диссертацияны кеңейтілген отырыста талқылау мыналарды қамтиды:

- отырыс төрағасының сөз сөйлеуі (диссертациялық зерттеу тақырыбын және ғылыми консультанттарды бекіту күндерін, докторантура бағдарламасы шеңберінде ғылыми тағылымдамалардан өту мерзімдері мен орнын, диссертация материалдарының толық жариялануы туралы айтады);

- докторанттың сөз сөйлеуі;
- кафедра отырысына қатысушылардың сұрақтары – докторанттың жауаптары;

- шетелдік консультант болмаған жағдайда ғылыми консультанттардың сөз сөйлеуі, оның пікірін жариялау/жеткізу;

- рецензенттердің сөз сөйлеуі;
- докторанттың рецензенттердің ескертулеріне жауаптары және олардың кеңестері мен ұсынымдары бойынша қорытындылары;

- отырысқа қатысушылардың талқылауы;

- қорытынды ашық немесе жасырын дауыс беру арқылы, жай көпшілік дауыспен қабылданады.

3.11. Қорғауға ұсыну немесе ұсынбау туралы диссертация бойынша қорытынды кеңейтілген отырыстың хаттамасынан үзінді көшірме түрінде

рәсімделеді, оған отырыстың төрағасы қол қойып, бейінді институттың директоры куәландырады және ғылыми қызмет жөніндегі вице-ректор бекітеді. Қорытындыда: зерттеу тақырыбының өзектілігі, ғылыми нәтижелер, олардың негізділігі мен жаңалығы, ғылыми нәтижелердің практикалық және теориялық маңыздылығы, олардың сенімділік дәрежесі, докторанттың ғылыми нәтижелерді алуға жеке қатысуы, қорғауға ұсынылған қағидаттардың дәлелденуі, Дәрежелерді беру қағидаларының 6-тармағының талаптарына сәйкес ғылыми басылымдарда диссертация материалдарының толық жариялануы (егер диссертация диссертациялық жұмыс түрінде ұсынылса), заңсыз көшіріп алудың, ескертулер мен ұсыныстардың бар-жоғы, қорғауға ұсыну немесе ұсынбау туралы қорытынды болуға тиіс.

3.12. Кеңейтілген отырыстың оң қорытындысын алғаннан кейін докторант Академия ректорына өзі жұмысын қорғайтын диссертациялық кеңесті таңдау туралы өтініш береді.

Егер докторант басқа ЖЖОКБҰ-ның диссертациялық кеңесін көрсетсе, онда 10 (он) жұмыс күні ішінде Академияның тиісті бейіндік институты оның құжаттарын таңдалған диссертациялық кеңеске жібереді.

Диссертациялық кеңеске мынадай құжаттар ұсынылады:

- 1) отандық және шетелдік ғылыми кеңесшілердің пікірлері;
- 2) кеңейтілген отырыстың оң қорытындысы;
- 3) берік түптелген және электронды тасымалдағыштағы диссертациялық жұмыс (егер диссертация диссертациялық жұмыс нысанында қорғалатын болса);

- 4) қазақ, орыс, ағылшын тілдеріндегі аннотация. Аннотацияда қорғауға шығарылатын диссертациялық зерттеудің тақырыбы, мақсаты, зерттеу міндеттері, зерттеу әдістері, негізгі ережелері (дәлелденген ғылыми гипотезалар және жаңа білім болып табылатын басқа да тұжырымдар), зерттеудің негізгі нәтижелерінің сипаттамасы, алынған нәтижелердің жаңашылдығы мен маңыздылығының негіздемесі, ғылымның даму бағыттарына немесе мемлекеттік бағдарламаларға сәйкестігі, докторанттың әрбір жарияланымды дайындауға қосқан үлесінің сипаттамасы жазылады;

- 5) ғылыми еңбектердің тізімі және олардың көшірмелері;

- 6) Академияның Әдеп комиссиясының зерттеу объектілерінің (тірі табиғат пен тіршілік ортасының объектілері) құқықтарын, қауіпсіздігі мен саулығын қорғауды қоса алғанда, ғылыми зерттеу нәтижелерін жоспарлау, бағалау, іріктеу, жүргізу және тарату процесіндегі бұзушылықтардың болмауы туралы қорытындысы.

Диссертациялық жұмыс қазақ немесе орыс немесе ағылшын тілдерінде ұсынылады.

Осы тармақта көрсетілген құжаттарды тіркеуді диссертациялық кеңестің ғалым хатшысы жүзеге асырады және оларды 2 (екі) жұмыс күнінен аспайтын мерзімде диссертациялық кеңеске ұсынады.

Диссертацияны қорғауға қабылдау жөніндегі диссертациялық кеңестің отырысында кеңестің тұрақты құрамы диссертациялық кеңестің уақытша мүшелерін тағайындайды.



3.13. Құжаттар қабылданған күннен бастап 10 (он) жұмыс күнінен кешіктірмей диссертациялық кеңес диссертацияны қорғау күнін белгілейді және ғылыми дәрежесі (ғылым докторы, ғылым кандидаты, философия докторы (PhD), бейіні бойынша доктор) немесе философия докторы (PhD), бейіні бойынша доктор академиялық дәрежесі немесе философия докторы (PhD), бейіні бойынша доктор дәрежесі бар 2 (екі) ресми рецензентті тағайындайды. Рецензенттерде докторанттың зерттеу саласы бойынша Комитеттің Басылымдар тізбесіне және/немесе Web of Science Core Collection (Вэб оф Сайнс Кор Коллекшн) немесе Scopus (Скопус), деректер базасына енгізілген журналдарда және /немесе шетелдік рецензияланатын басылымдарда 5 (бес) ғылыми мақаласы немесе 1 (бір) монографиясы (жеке жазылған) бар.

Диссертацияны қорғау күні диссертацияны қорғау күнін белгілеу күнінен 3 (үш) айдан аспауға тиіс. Қорғау күнін белгілеу кезінде докторанттар құжаттарының түсу кезегі сақталады.

3.14. Диссертациялық кеңес ресми рецензенттерді тағайындау кезінде рецензенттердің, ғылыми кеңесшілердің бір-біріне тәуелді болмау принципін басшылыққа алады.

Мыналар ресми рецензент бола алмайды:

- 1) Комитет қызметкерлері;
- 2) докторанттың диссертация тақырыбы бойынша жарияланған жұмыстарының тең авторлары;
- 3) Академияның құрылымдық бөлімшелерінің басшылары мен қызметкерлері;
- 4) соңғы 3 (үш) жылда диссертацияның мазмұны бойынша Комитеттің теріс шешімін алған диссертациялар бойынша оң қорытынды берген ғылыми кеңесшілер немесе ресми рецензенттер болған мамандар;
- 5) жақын туыстар – ата-аналар (ата-ана), балалар, асырап алушылар, асырап алынғандар, ата-анасы бір және ата-анасы бөлек ағалы-інілер мен апалы-сіңлілер (аға-қарындастар), ата, әже, немерелер.

3.15. Диссертациялық кеңес Академияның интернет-ресурсында докторанттардың қорғауы және кеңес қызметі туралы мынадай материалдарды орналастырады:

- 1) докторант, диссертациялық кеңестің уақытша мүшелері және ресми рецензенттер туралы ақпаратты, диссертацияны ұсыну нысанын, мекенжайын, күні мен уақытын (белгіленген қорғау күніне дейін 1 (бір) ай бұрын, тұрақты негізде қолжетімді болады) көрсете отырып, алдағы қорғау туралы хабарлама;
- 2) диссертация (қорғаудың белгіленген күніне дейін 1 (бір) ай бұрын), сондай-ақ оның диссертациялық кеңестің ескертулері бойынша титул парағында тиісті белгілері бар пысықталған барлық нұсқалары (тұрақты негізде қолжетімді);
- 3) қазақ, орыс, ағылшын тілдеріндегі аннотация (белгіленген қорғау күніне дейін 1 (бір) ай бұрын), аннотация көлемін Академия өз бетінше анықтайды;

4) докторант жарияланымдарының тізімі (белгіленген қорғау күнінен 1 (бір) ай бұрын);

5) ғылыми консультанттардың қорғаудан кейін 5 (бес) ай ішінде қолжетімді болатын пікірлері (белгіленген қорғау күнінен 1 (бір) ай бұрын);

6) ресми рецензенттердің пікірлері (белгіленген қорғау күнінен 5 (бес) жұмыс күні бұрын);

7) қорғаудың толық көлемдегі бейнежазбасы, монтажға жол берілмейді (қорғаудан кейін 5 (бес) жұмыс күні ішінде орналастырылады және қорғаудан кейін 5 (бес) ай бойы қолжетімді);

8) диссертациялық кеңестің диссертациялық жұмысты пысықтауға, қайта қорғауға жіберу туралы немесе философия докторы (PhD), бейіні бойынша доктор дәрежесін беруден бас тарту туралы қорытындысы (қорғаудан кейін 5 (бес) жұмыс күні ішінде орналастырылады және қорғаудан кейін кемінде 5 (ай) ішінде қолжетімді);

9) апелляциялық комиссияның шешімі (шешім қабылдағаннан кейін 5 (бес) жұмыс күні ішінде орналастырылады және шешім қабылдағаннан кейін кемінде 5 (ай) ішінде қолжетімді);

10) Ережеге 2-қосымшаға сәйкес диссертациялық кеңестің жұмысы туралы есеп (күнтізбелік жыл аяқталғаннан кейін 15 (он бес) жұмыс күні ішінде орналастырылады);

11) Ережеге 3-қосымшаға сәйкес диссертациялық кеңестердің философия докторы (PhD), бейіні бойынша доктор дәрежелерін беру (беруден бас тарту) жөніндегі шешімдері туралы тоқсандық есеп. Тоқсандық есеп тоқсан аяқталғаннан кейін 5 (бес) жұмыс күні ішінде орналастырылады және диссертациялық кеңестің қызметі мерзімінде қолжетімді;

12) философия докторы (PhD), бейіні бойынша доктор дәрежесін беру туралы дипломды беруді ұйымдастыру жөніндегі мәліметтер;

13) қорғаулар өткізу күнінің, уақытының, орнының өзгеруі және ресми рецензенттердің ауысуы туралы хабарландыру (болған жағдайда);

14) диссертациялық кеңестің құрамы туралы ақпарат және диссертациялық кеңес қызметінің тәртібі;

15) қолданыс мерзімдерін көрсете отырып, мәтінді пайдалануды анықтаудың лицензиялық жүйелерінің, оның ішінде халықаралық деректер базалары бойынша лицензиялық жүйелерінің бар болуы туралы ақпарат;

16) Академияның Әдеп комиссиясының зерттеу объектілерінің (жанды табиғат пен тіршілік ортасының объектілері) құқықтарын, қауіпсіздігі мен саулығын қорғауды қоса алғанда, ғылыми зерттеу нәтижелерін жоспарлау, бағалау, іріктеу, жүргізу және тарату процесіндегі бұзушылықтардың болмауы туралы қорытындысы (Ережеге 4-қосымшаға сәйкес);

17) диссертациялық кеңестің бейнеконференция нысанындағы online (онлайн) отырысын өткізуді ұйымдастыру жөніндегі ақпарат.

3.16. Диссертациялық жұмыс Академияның интернет-ресурсында орналастырылғаннан кейін оған өзгерістер енгізуге жол берілмейді. Диссертациялық жұмыс пысықталған жағдайда оның соңғы нұсқасы философия докторы (PhD), бейіні бойынша доктор дәрежесін беру туралы

шешім қабылданғаннан кейін Академияның интернет-ресурсында «Диссертациялық жұмыстың соңғы нұсқасы» деген белгімен орналастырылады.

Академияның интернет-ресурсында диссертация мазмұны бойынша бейресми пікірлерді орналастыру мүмкіндігі қамтамасыз етіледі, кейін олар қорғауда ұсынылады. Авторын белгілеу мүмкін емес және автордың электрондық поштасы көрсетілмеген бейресми пікірлер қорғауда ұсынылмайды.

3.17. Қорғауға қабылданғаннан кейін 10 (он) жұмыс күні ішінде диссертациялық кеңес докторанттың отандық және халықаралық деректер базалары бойынша плагиатты пайдалануын тексеру үшін диссертацияны «Ұлттық мемлекеттік ғылыми-техникалық сараптама орталығы» акционерлік қоғамына (бұдан әрі – ҰМҒТСО) жібереді. Титул беті және пайдаланылған әдебиеттер тізімі плагиатқа тексерілмейді.

ҰМҒТСО диссертация түскен күннен бастап 10 (он) жұмыс күні ішінде оның мәтінін ашық қолжетімді түрде өзінің интернет-ресурсында орналастырады. Диссертация тұрақты күйде қолжетімді болады.

3.18. Диссертацияның қағаз және (немесе) электронды тасымалдағыштағы данасы Академияның Ақпараттық-ресурстық секторына беріледі. Қорғағаннан кейін 7 (жеті) жұмыс күні ішінде диссертациялық кеңестің ғалым хатшысы диссертацияның электронды тасымалдағыштағы даналарын Қазақстан Республикасының Ұлттық академиялық кітапханасына және Қазақстан Республикасының Ұлттық кітапханасына береді.

3.19. Ресми рецензенттер диссертация мен жарияланған жұмыстарды зерделеу негізінде диссертациялық кеңеске Ережеге 5-қосымшаға сәйкес нысанда жазбаша пікірлерін ұсынады.

Егер диссертация мақалалар сериясы нысанында қорғалатын болса, ресми рецензенттер докторанттың зерттеу тақырыбы бойынша әр мақаланың ғылыми деңгейін зерделейді. Егер мақаланың 2/3 (үштен екі) және одан көп бөлігінің докторанттың зерттеу тақырыбымен байланысы болмаса, оны ресми рецензент ескермейді.

Ресми рецензенттер пікірлерінде мына шешімдердің бірін көрсетеді:

1) философия докторы (PhD) немесе бейіні бойынша доктор дәрежесін беру (ерекше мәртебесі бар ЖЖОКБҰ жанындағы диссертациялық кеңесте қорғалған жағдайда) немесе философия докторы (PhD) немесе бейіні бойынша доктор дәрежесін беру үшін Комитетке ұсыныс жасау (ерекше мәртебесі жоқ ЖЖОКБҰ жанындағы диссертациялық кеңесте қорғалған жағдайда);

2) егер диссертация Қағидалардың 4 және (немесе) 6-тармақтарына сәйкес келмесе және (немесе) Қағидалардың 5-тармағында көрсетілген қағидаттарға (академиялық адалдық қағидатын қоспағанда) ішінара сәйкес келсе және (немесе) онда түзетуді талап ететін ескертулер болса, диссертацияны пысықтауға жіберу. Диссертация мақалалар сериясы нысанында қорғалатын жағдайда диссертация пысықтауға жіберілмейді;

3) егер академиялық адалдық қағидаты бұзылған немесе ғылыми жаңашылдық, ішкі бірлік және дәйектілік қағидаттарына сәйкес келмеген болса, философия докторы (PhD) немесе бейіні бойынша доктор дәрежесін беруден бас тарту.

Ресми рецензенттер пікірлерінің көшірмелері докторантқа диссертацияны қорғауға дейін кемінде 5 (бес) жұмыс күнінен кешіктірілмей беріледі.

Ресми рецензенттер жазбаша түрде бас тартқан немесе рецензиялауға мүмкіндік болмаған жағдайда ауыстырылады. Егер ресми рецензентті ауыстыру туралы шешім 5 (бес) жұмыс күнінен кешіктіріліп қабылданса, қорғау күні ауыстырылады.

3.20. ҰМҒТСО анықтамасында, ресми рецензенттердің пікірлерінде және Академияның интернет-ресурсындағы бейресми пікірлерде көрсетілген плагиат фактілері болған кезде диссертациялық кеңес комиссиясы диссертацияны плагиатқа тексереді. Тексеру нәтижелері туралы қорытынды диссертациялық кеңеске диссертация қорғауға дейін 8 (сегіз) жұмыс күнінен кешіктірілмей беріледі.

3.21. Диссертациялық кеңес диссертациялық кеңес комиссиясының қорытындысы негізінде (қорғауға дейін кемінде 7 (жеті) жұмыс күнінен кешіктірілмей) докторантты қорғауға жіберу туралы шешім қабылдайды немесе диссертацияны қорғаудан алып тастайды. Диссертациялық кеңес қабылданған шешім туралы докторантқа 2 (екі) жұмыс күні ішінде хабарлайды, сондай-ақ тиісті ақпарат Академияның интернет-ресурсында орналастырылады.

Докторанттың диссертациясын қорғауға дейін 7 (жеті) күннен кешіктірмей қорғаудан алып тастауға мүмкіндігі бар.

3.22. Диссертациялық кеңестің төрағасы, төраға орынбасары және ғалым хатшысы докторанттың ғылыми кеңесшілері болып табылған жағдайда, диссертацияны қарау кезінде диссертациялық кеңестің отырысында өз міндеттерін орындай алмайды. Диссертациялық кеңес төрағасының міндеттерін орындау диссертациялық кеңестің шешімімен төраға орынбасарына, төраға орынбасары мен ғалым хатшының міндеттерін орындау диссертациялық кеңестің шешімімен оның мүшелеріне жүктеледі.

Төраға, төраға орынбасары мен ғалым хатшы бір мезгілде болмаған жағдайда диссертациялық кеңестің отырысы өткізілмейді.

Диссертациялық кеңес диссертация қорғалуының толық көлемде бейнежазбаға түсірілуін қамтамасыз етеді, монтажға жол берілмейді.

3.23. Диссертациялық кеңестің отырысы егер оның жұмысына мүшелерінің кемінде 2/3-і (үштен екісі) қатысқанда заңды болып саналады. Ресми рецензенттердің және диссертациялық кеңестің уақытша тағайындалған мүшелерінің отырысқа қатысуы міндетті болып табылады.

Диссертациялық кеңес мүшелері және ресми рецензенттер қорғауға бейнеконференция нысанында қатыса алады.

Диссертацияны ашық қорғау интернет желісінде тікелей онлайн трансляция режимінде өтеді.

Отырысқа практикалық саланың шақырылған мамандарының қатысуына жол беріледі (диссертация қолданбалы сипатта болса).

Диссертациялық кеңес докторантқа, диссертациялық кеңес мүшелеріне, ресми рецензенттерге диссертациялық кеңес отырысын бейнеконференция нысанында өткізетіні туралы электрондық пошта және Академияның сайтында хабарлама беру арқылы диссертация қорғауға кем дегенде 5 (бес) жұмыс күні қалғанда хабарлайды.

Диссертациялық кеңес отырысты бейнеконференция нысанында өткізгенде:

- отырысқа қатысатындардың визуалды идентификациясы;
- интернет желісінде отырысқа қатысушылар сөздерінің үздіксіз бейне- және аудио трансляциясы;
- отырыстың бейне- және аудиожазбасы;
- диссертациялық кеңес мүшелерінің жасырын дауыс беруі қамтамасыз етіледі.

3.24. Диссертацияны қорғау жөніндегі диссертациялық кеңестің отырысын өткізу мыналарды қамтиды:

- төрағалық етушінің диссертациялық кеңестің отырысында кворум, отырысты өткізудің заңдылығы, докторантты таныстыру, диссертацияның дайындалу бағыты, тақырыбы, ғылыми консультанттар мен ресми рецензенттер туралы сөз сөйлеуі;

- докторанттың жеке ісінде бар құжаттардың тізбесін және диссертациялық кеңеске ұсынылған құжаттардың белгіленген талаптарға сәйкестігін жариялау үшін ғалым хатшының сөз сөйлеуі;

- докторанттың сөз сөйлеуі (диссертацияның негізгі мазмұнын баяндайды және негізгі қағидаттарын ұсынады);

- отырысқа қатысушылардың сұрақтары – докторанттың жауаптары;
- шетелдік консультант болмаған жағдайда ғылыми консультанттардың сөз сөйлеуі, оның пікірін жариялау;

- ресми рецензенттердің сөз сөйлеуі;

- докторанттың ресми рецензенттердің ескертулеріне жауаптары және олардың кеңестері мен ұсынымдары бойынша қорытындылары/тұжырымдары;

- бейресми пікірлер (болған жағдайда ғалым хатшы оқып береді);

- диссертациялық кеңес отырысына қатысушылардың талқылауы;

- диссертациялық кеңестің құрамынан 2 (екі) адамнан тұратын есеп комиссиясын жасақтау және жасырын дауыс беруді өткізу. Қорғау бейнеконференция форматында жүргізілген жағдайда есеп комиссиясын жасақтау талап етілмейді;

- есеп комиссиясы төрағасының жасырын дауыс беру нәтижелері туралы сөз сөйлеуі, есеп комиссиясының хаттамасын бекіту. Қорғауды бейнеконференция форматында өткізген жағдайда диссертациялық кеңестің ғалым хатшысының жасырын дауыс беру нәтижелері туралы сөз сөйлеуі;

- қорғау нәтижелерін жариялау;

- диссертация бойынша диссертациялық кеңестің қорытындысын дайындау және қабылдау. Қорытынды ашық дауыс беру арқылы, қарапайым көпшілік дауыспен қабылданады.

3.25. Диссертациялық кеңес келесі шешімдердің біреуін қабылдау үшін жасырын дауыс беруді жүргізеді:

- 1) философия докторы (PhD) немесе бейіні бойынша доктор дәрежесін беру;
- 2) диссертацияны пысықтауға жіберу (диссертация диссертациялық жұмыс нысанында қорғалған жағдайда ғана);
- 3) диссертацияны қайта қорғауға жіберу;
- 4) философия докторы (PhD) немесе бейіні бойынша доктор ғылыми дәрежесін беруден бас тарту.

Диссертациялық жұмыс егер оны түзету жұмыстың мәнін өзгертпей, мәтін бойынша елеусіз ескертулер болған жағдайда пысықтауға ұсынылады. Егер диссертация Қағидалардың 4 және (немесе) 6-тармағына сәйкес келмесе және (немесе) Қағидалардың 5-тармағында көрсетілген қағидаттарға (академиялық адалдық қағидатын қоспағанда) ішінара сәйкес келсе, онда ол қайта қорғауға жіберіледі. Академиялық адалдық қағидаты бұзылған немесе ғылыми жаңалық, ішкі бірлік, дәйектілік қағидаттарына сәйкес келмеген жағдайда диссертация философия докторы (PhD) немесе бейіні бойынша доктор дәрежесін беруден бас тарту туралы шешім қабылданады.

3.26. Докторанттың ғылым консультанты, тікелей басшысы немесе жақын туысы болып есептелетін диссертациялық кеңестің мүшелері, сондай-ақ шақырылған мамандар дауыс беруге қатыспайды.

Жасырын дауыс беруде ресми рецензенттер қатысады, олардың дауыстары диссертациялық кеңес мүшелерінің дауыстарына тең.

Кеңестің философия докторы (PhD) немесе бейіні бойынша доктор дәрежесін беру туралы шешімі, егер оған дауыс беруге қатысқандардың 3/4 (төрттен үші) және одан көбі дауыс берсе, қабылданды деп саналады.

Кеңестің философия докторы (PhD) немесе бейіні бойынша доктор дәрежесін беруден бас тарту, диссертацияны пысықтауға не қайта қорғауға жолдау туралы шешімі, егер дауыс беруге қатысқандардың 2/3 (үштен екісі) және одан көбі дауыс берсе, қабылданды деп саналады. Егер дауыстар көрсетілген санға жетпесе, қайта дауыс беру өткізіледі, онда диссертацияны пысықтауға не, егер оған отырысқа қатысып отырған кеңес мүшелерінің көпшілігі дауыс берсе, қайта қорғауға жіберу туралы шешім қабылданады.

3.27. Қайта қорғауға жіберу немесе философия докторы (PhD) немесе бейіні бойынша доктор дәрежесін беруден бас тарту туралы шешім қабылданғанда диссертациялық кеңес диссертацияның Ереже мен Қағидалардың қандай талаптарына сәйкес келмейтіндігі көрсетілген қорытынды жасайды.

Диссертациялық жұмысты қайта қорғау алдындағы қорғаудан 6 айдан кем емес уақыт өткенде Ережеде белгіленген тәртіппен өткізіледі. Диссертациялық кеңестің уақытша құрамы және ресми рецензенттер сақталады. Диссертация қайта қорғауға 2 (екі) реттен артық жіберілмейді.

3.28. Диссертацияны пысықтауға жіберу туралы шешім қабылданғанда диссертациялық кеңес диссертациялық жұмыс бойынша нақты ескертулер қамтылған қорытынды шығарады.

Пысықталған диссертациялық жұмыс диссертациялық кеңеске үш айлық мерзімде ұсынылады, оны 3 (үш) айдан артық мерзімге ұзартуға болмайды. Пысықтау мерзімін ұзарту туралы шешімді диссертациялық кеңес докторанттың өтініші негізінде қабылдайды. Егер пысықталған диссертациялық жұмыс белгіленген уақытта ұсынылмаса, докторант қайта қорғаудан өтеді.

Докторант диссертациялық кеңестің ескертулерімен толық не жартылай келіспейтін жағдайда ол берілген ескертулерге дәйектелген жауаптарын ұсынады.

Пысықталған диссертация ҰМҒТСО-ға плагиатқа тексеруге жіберіледі. ҰМҒТСО анықтамасын алғаннан кейін диссертациялық кеңес ресми рецензенттермен бірге пысықталған диссертациялық жұмысты және диссертациялық кеңестің ескертулерін жою мәніне ескертулерге жауаптарды (болған жағдайда) талқылау жөнінде отырыс өткізеді. Отырыс Ереженің 3.19-тармағында белгіленген тәртіппен өткізіледі. Бұл ретте интернетте онлайн трансляциясыз отырыстың бейнежазбасы жүргізіледі.

Талқылаудан кейін жай көпшілік дауыспен жасырын дауыс беру арқылы дәреже беру немесе қайта қорғауға жіберу туралы шешім қабылданады.

3.29. Диссертациялық кеңестің ғалым хатшысы диссертациялық кеңесте докторлық диссертация қорғалғаннан кейін 30 (отыз) күнтізбелік күн ішінде докторанттың аттестациялық ісін жинақтайды. Докторанттың аттестаттау ісінде мынадай құжаттар қоса беріледі:

- 1) электронды тасымалдағыштағы диссертация;
- 2) диссертация тақырыбы бойынша ғылыми жарияланымдар тізімі мен көшірмелері;
- 3) жеке басты куәландыратын құжаттың көшірмесі;
- 4) ҰМҒТСО-ның диссертацияны плагиатқа тексергені туралы анықтамасы.
- 5) Ережеге 6-қосымшаға сәйкес нысан бойынша диссертациялық кеңес мүшелерінің келу парағы;
- 6) диссертацияны қорғау жөніндегі және пысықталған диссертациялық жұмысты талқылау бойынша (қажет болғанда) диссертациялық кеңес отырысының толық көлемдегі бейнежазбасы және төраға мен ғалым хатшы қол қойған хаттамасы;
- 7) докторантураның кәсіптік оқу бағдарламаларын меңгергені туралы транскриптің көшірмесі;
- 8) Ережеге 7-қосымшаға сәйкес нысан бойынша докторант туралы мәлімет.

Аттестаттау ісі диссертациялық кеңесте кемінде 2 ай мерзімде сақталады, содан кейін Академия мұрағатына беріледі.

3.30. Диссертациялық кеңестің теріс шешімін алған диссертация Ереженің 3-тарауында белгіленген тәртіппен қайта қорғауға ұсынылады.

Диссертация қайта қорғауға ұсынылған кезде диссертациялық кеңес диссертацияда бұдан бұрын орын алған бұзушылықтардың жойылуы туралы қорытынды жасау үшін диссертациялық кеңес мүшелерінен 3 (үш) адамды тағайындайды. Қорытынды Академияның интернет-ресурсында диссертацияны қорғауға дейін кемінде 10 (он) жұмыс күні бұрын орналастырылады және оны қорғауда есепке алынады.

#### 4-тарау. Апелляцияны өткізу тәртібі

4.1. Диссертациялық кеңестің теріс шешіміне апелляцияны докторант шешім шығарған күннен бастап 2 (екі) ай ішінде ерікті нысанда береді.

Апелляция философия докторы (PhD), бейіні бойынша доктор дәрежесін беруден бас тарту туралы шешім қабылдаған диссертациялық кеңеске жіберіледі. Көрсетілген мерзім өткеннен кейін апелляция қарауға қабылданбайды.

4.2. Апелляцияда мынадай деректер қамтылуы керек:

- өтініш берушінің тегі, аты, әкесінің аты (болған жағдайда), өтініш берушінің ЖСН-і, мекенжайы, диссертациялық кеңес жіберіп алған бұзушылық туралы мәліметтер;

- диссертациялық кеңестің теріс шешімін алған тұлғаның дербес деректері, диссертация тақырыбы, қорғалған күні және диссертациялық кеңес туралы мәліметтер;

- диссертациялық кеңес жіберіп алған бұзушылық туралы мәліметтер, растайтын құжаттарды міндетті түрде қоса бере отырып, бұзушылыққа қатысты дәлелдер.

4.3. Философия докторы (PhD), бейіні бойынша доктор дәрежелерін беру мәселелері бойынша дауларды сотқа дейін реттеу үшін апелляция берілген күннен бастап 1 (бір) ай ішінде Академия ректоры құрамы Академияның зерттеу блогының 2 (екі) өкілінен және ғылыми кеңесші, рецензент, диссертациялық кеңес мүшелері немесе диссертация бойынша сарапшылар болып табылмайтын, тиісті мамандық бойынша 3 (үш) ғалымнан тұратын апелляциялық комиссияны тағайындайды. Апелляциялық комиссия құрамынан төраға мен хатшы тағайындалады.

Апелляциялық комиссия өз қызметінде Ережені және Дәрежелерді беру қағидаларын басшылыққа алады. Комиссия аттестаттау ісінің материалдарын қарайды және ол құрылған күнінен бастап күнтізбелік 30 (отыз) күн ішінде апелляция нәтижелері бойынша қорытынды дайындайды.

4.4. Апелляциялық комиссияның қорытындысын комиссия мүшелері ашық дауыс беру негізінде қарапайым көпшілік дауыспен қабылдайды және оған комиссияның барлық мүшелері қол қояды. Дауыстар тең болған жағдайда апелляциялық комиссия төрағасының дауысы шешуші болып табылады.

4.5. Егер апелляциялық комиссияның отырысына апелляциялық комиссияның төрағасын қоса алғанда, 5 (бес) адамнан кемінде 4 (төрт) адам қатысса, апелляциялық комиссияның шешімі жарамды деп есептеледі.



4.6. Апелляциялық комиссияның шешімі қабылданған күннен бастап 5 (бес) жұмыс күні ішінде апелляция берген докторантқа немесе ғылыми консультантқа хабарланады және Академияның интернет-ресурсында орналастырылады.

4.7. Осы Ережемен реттелмеген, оның ішінде философия докторы (PhD), бейіні бойынша доктор дәрежесін беруден бас тарту, апелляция беру мерзімін қалпына келтіру мәселелері бойынша даулар Қазақстан Республикасының заңнамасында белгіленген сот тәртібімен шешіледі.

Диссертациялық кеңес  
туралы ережеге  
1-қосымша  
Нысан

Диссертациялық кеңес мүшелеріне үміткерлер туралы ақпарат

1	№ р/н		
2	Т.А.Ә. (болған жағдайда) (мемлекеттік немесе орыс және ағылшын тілдерінде)		
3	Дәрежесі, ғылыми атағы		
4	Негізгі жұмыс орны		
5	Азамағтығы		
6	Халықаралық ақпараттық Web of science (Вэб оф Сайнс) және Scopus (Скопус) базаларының деректері бойынша Хирш индексі		
7	Clarivate Analytics (Кларивэйт Аналитикс) компаниясының Journal Citation Reports (Журнал Цитэйшэн Репортс) деректері бойынша бірінші үш квартильге кіретін немесе Scopus (Скопус) деректер базасында CiteScore (СайтСкор) бойынша процентиль көрсеткіші кемінде 35 (отыз бес) болатын басылымдарда		
8	Басылымдар тізбесіндегі журналдардағы жарияланымдар		

Диссертациялық кеңес  
туралы ережеге  
2-қосымша  
Нысан

### Диссертациялық кеңестің жұмысы туралы есеп

жанындағы

(ЖОО атауы)

\_\_\_\_\_ кадрларды даярлау бағыты бойынша диссертациялық кеңес

Есеп мынадай мәліметтерді қамтиды:

1. Өткізілген отырыстар саны туралы деректер.
2. Отырыстардың жартысынан азына қатысқан диссертациялық кеңес мүшелерінің тегі, аты, әкесінің аты (бар болса).
3. Оқу орны көрсетілген докторанттар тізімі.
4. Мынадай бөлімдері белгіленіп көрсетілген, есепті жыл ағымында кеңесте каралған диссертацияларға қысқаша талдау:
  - 1) каралған жұмыстар тақырыптарына талдау;
  - 2) диссертация тақырыбының "Ғылым туралы" Заңның 18-бабының 3-тармағына сәйкес Қазақстан Республикасының Үкіметі жанындағы Жоғары ғылыми-техникалық комиссия қалыптастыратын ғылымның даму бағыттарымен және (немесе) мемлекеттік бағдарламалармен байланысы;
  - 3) диссертациялар нәтижелерінің практикалық қызметке ену деңгейін талдау.
5. Ресми рецензенттердің жұмысына талдау (мейлінше сапасыз пікірлерді мысалға ала отырып).
6. Ғылыми кадрларды даярлау жүйесін одан әрі жетілдіру жөніндегі ұсыныстар.
7. Философия докторы (PhD), бейіні бойынша доктор дәрежесін алуға арналған диссертациялардың кадрларды даярлау бағыты бөлінісіндегі саны:
  - 1) қорғауға қабылданған диссертациялар (оның ішінде басқа ЖОО докторанттарының);
  - 2) қараудан алынып тасталған диссертациялар (оның ішінде басқа ЖОО докторанттарының);
  - 3) рецензенттердің теріс пікірін алған диссертациялар (оның ішінде басқа ЖОО докторанттарының);
  - 4) қорғау нәтижелері бойынша теріс шешім алған диссертациялар (оның ішінде басқа ЖОО докторанттарының);
  - 5) пысықтауға жіберілген диссертациялар (оның ішінде басқа ЖОО докторанттарының);
  - 6) қайта қорғауға жіберілген диссертациялар (оның ішінде басқа ЖОО докторанттарының).

Диссертациялық кеңестің төрағасы \_\_\_\_\_

(қолы, тегі және аты-жөнінің бірінші әріптері)

Диссертациялық кеңестің ғалым хатшысы \_\_\_\_\_

(қолы, тегі және аты-жөнінің бірінші әріптері)

Мөр мерзімі 20\_\_ жылғы «\_\_» \_\_\_\_\_



Диссертациялық кеңес  
туралы ережеге  
4-қосымша  
Нысан

Этикалық комиссияның қорытындысы \_\_\_\_\_  
ЖОО атауы

1.	Докторанттың ТАӘ	
2.	Докторантура мамандығы (білім беру бағдарламасы)	
3.	Докторантурада оқу кезеңі	
4.	Диссертация тақырыбы, бекіту мерзімі	
5.	Ғылыми кеңесшілер туралы деректер – Т.А.Ә. (болған жағдайда), жұмыс орны және лауазымы, ғылыми дәрежелері, азаматтығы	
6.	Зерттеу объектілері	
7.	Ғылыми зерттеулерді жоспарлау, бағалау, іріктеу және жүргізу процесіндегі бұзушылықтар	Бұзушылықтар анықталды немесе анықталмады. Анықталған жағдайда оларды көрсету қажет
8.	Ғылыми зерттеу нәтижелерін тарату процесіндегі бұзушылықтар	Бұзушылықтар анықталды немесе анықталмады. Анықталған жағдайда оларды көрсету қажет
9.	Зерттеу объектілерінің (жанды табиғат пен тіршілік ортасының объектілері болғанда) құқықтарын, қауіпсіздігі мен саулығын қорғау қалай жүргізілді?	

Этикалық комиссияның төрағасы \_\_\_\_\_  
(қолы, тегі және аты-жөнінің бірінші әріптері)

Этикалық комиссияның хатшысы \_\_\_\_\_  
(қолы, тегі және аты-жөнінің бірінші әріптері)

**Ресми рецензенттің жазбаша пікірі**

№ р/н	Критерийлер	Критерийлерге сәйкестігі (жауап нұсқаларының бірінің астын сызу)	Ресми рецензенттің ұстанымын негіздеу (ескертүүлерді курсивпен жазу)
1.	Диссертация тақырыбының (бекіту күніне) ғылымның даму бағыттарына және/немесе мемлекеттік бағдарламаларға сәйкес болуы	1.1 Ғылымның даму бағыттарына және/немесе мемлекеттік бағдарламаларға сәйкестігі: 1) Диссертация мемлекет бюджетінен қаржыландырылатын жобаның немесе нысаналы бағдарламаның аясында орындалған (жобаның немесе бағдарламаның атауы мен нөмірі); 2) Диссертация басқа мемлекеттік бағдарлама аясында орындалған (бағдарламаның атауы) 3) Диссертация Қазақстан Республикасының Үкіметі жанындағы Жоғары ғылыми-техникалық комиссия бекіткен ғылым дамуының басым бағытына сәйкес (бағытын көрсету)	
2.	Ғылымға маңыздылығы	Жұмыс ғылымға елеулі үлесін қосады/қоспайды, ал оның маңыздылығы ашылған/ашылмаған.	
3.	Өзі жазу принципі	Өзі жазу деңгейі: 1) жоғары; 2) орташа; 3) төмен; 4) өзі жазбаған	
4.	Ішкі бірлік принципі	4.1 Диссертация өзектілігінің негіздемесі: 1) негізделген; 2) жартылай негізделген; 3) негізделмеген	
		4.2 Диссертация мазмұны диссертация тақырыбын айқындайды 1) айқындайды; 2) жартылай айқындайды; 3) айқындамайды	
		4.3. Мақсаты мен міндеттері диссертация тақырыбына сәйкес келеді: 1) сәйкес келеді;	

		2) жартылай сәйкес келеді; 3) сәйкес келмейді	
		4.4. Диссертацияның барлық бөлімдері мен құрылысы логикалық байланысқан: 1) толық байланысқан; 2) жартылай байланысқан; 3) байланыс жоқ	
		4.5 Автор ұсынған жаңа шешімдер (қағидаттар, әдістер) дәлелденіп, бұрыннан белгілі шешімдермен салыстырылып бағаланған: 1) сыни талдау бар; 2) талдау жартылай жүргізілген; 3) талдау өз пікірін емес, басқа авторлардың сілтемелеріне негізделген; 4) талдау жоқ	
5.	Ғылыми жаңашылдық принципі	5.1 Ғылыми нәтижелер мен қағидаттар жаңа болып табыла ма? 1) толығымен жаңа; 2) жартылай жаңа (25-75% жаңа болып табылады); 3) жаңа емес (25% кем жаңа болып табылады)	
		5.2 Диссертацияның қорытындылары жаңа болып табыла ма? 1) толығымен жаңа; 2) жартылай жаңа (25-75% жаңа болып табылады); 3) жаңа емес (25% кем жаңа болып табылады)	
		5.3 Техникалық, технологиялық, экономикалық немесе басқару шешімдері жаңа және негізделген бе? 1) толығымен жаңа; 2) жартылай жаңа (25-75% жаңа болып табылады); 3) жаңа емес (25% кем жаңа болып табылады)	
6.	Негізгі қорытындылардың негізділігі	Барлық қорытындылар ғылыми тұрғыдан қарағанда ауқымды дәлелдемелерде негізделген/негізделмеген (qualitative research (куолитатив ресеч) және өнертану және гуманитарлық бағыттары бойынша)	
7.	Қорғауға шығарылған негізгі қағидаттар	Әр қағидат бойынша келесі сұрақтарға жауап беру қажет: 7.1 Қағидат дәлелденді ме? 1) дәлелденді; 2) шамамен дәлелденді;	

		<p>3) шамамен дәлелденбеді;  4) дәлелденбеді;  5) осы тұжырымдамада қағидат дәлелденгенін тексеру мүмкін емес  7.2 Тривиалды ма?  1) ия;  2) жоқ;  3) осы тұжырымдамада позицияның тривиалдылығын тексеру мүмкін емес  7.3 Жаңа ма?  1) ия;  2) жоқ;  3) осы тұжырымдамада позицияның жаңалығын тексеру мүмкін емес  7.4 Қолдану деңгейі:  1) тар;  2) орташа;  3) кең;  4) осы тұжырымдамада қағидатты қолдану деңгейін тексеру мүмкін емес  7.5 Мақалада дәлелденген бе?  1) ия;  2) жоқ;  3) осы тұжырымдамада мақалада қағидаттың дәлелденгенін тексеру мүмкін емес</p>	
8.	<p>Дәйектілік принципі  Дереккөздер мен  ұсынылған  ақпараттың  дәйектілігі</p>	<p>8.1 Әдістеменің таңдауы - негізделген немесе әдіснама нақты жазылған  1) ия;  2) жоқ</p> <p>8.2 Диссертация жұмысының нәтижелері компьютерлік технологияларды қолдану арқылы ғылыми зерттеулердің қазіргі заманғы әдістері мен деректерді өңдеу және интерпретациялау әдістемелерін пайдалана отырып алынған:  1) ия;  2) жоқ</p> <p>8.3 Теориялық қорытындылар, модельдер, анықталған өзара байланыстар және заңдылықтар эксперименттік зерттеулермен дәлелденген және расталған (педагогикалық ғылымдар бойынша даярлау бағыттары үшін нәтижелер педагогикалық эксперимент негізінде дәлелденеді):  1) ия;  2) жоқ</p> <p>8.4 Маңызды мәлімдемелер нақты және сенімді ғылыми әдебиеттерге</p>	



		сілтемелермен расталған / ішінара расталған / расталмаған	
		8.5 Пайдаланылған әдебиеттер тізімі әдеби шолуға жеткілікті/жеткіліксіз	
9	Практикалық құндылық принципі	9.1 Диссертацияның теориялық маңызы бар: 1) ия; 2) жоқ	
		9.2 Диссертацияның практикалық маңызы бар және алынған нәтижелерді практикада қолдану мүмкіндігі жоғары: 1) ия; 2) жоқ	
		9.3 Практикалық ұсыныстар жаңа болып табылады: 1) толығымен жаңа; 2) жартылай жаңа (25-75% жаңа болып табылады); 3) жаңа емес (25% кем жаңа болып табылады)	
10.	Жазу және ресімдеу сапасы	Академиялық жазу сапасы: 1) жоғары; 2) орташа; 3) орташадан төмен; 4) төмен	
11.	Диссертацияға қатысты ескертулер		
12.	Докторанттың зерттеу тақырыбы бойынша мақалаларының ғылыми деңгейі (диссертация мақалалар сериясы түрінде қорғалған жағдайда, ресми рецензенттер зерттеу тақырыбы бойынша докторанттың әрбір мақаласының ғылыми деңгейіне комментарий береді)		
13.	Ресми рецензенттің шешімі (осы Ереженің 28-тармағына сәйкес)		

Диссертациялық кеңес  
туралы ережеге  
6-қосымша  
Нысан

**Диссертациялық кеңес мүшелерінің келу парағы**

20\_\_ жылғы «\_\_» \_\_\_\_\_ диссертациялық кеңестің отырысы, хаттама № \_\_

Докторант \_\_\_\_\_  
(тегі, аты, әкесінің аты (болған жағдайда))

\_\_\_\_\_ кадрларды даярлау бағыты бойынша диссертациясын  
қорғауы


Диссертациялық кеңес мүшелерінің тегі, аты, әкесінің аты (болған жағдайда)	Дәрежесі	Отырысқа қатысуы (қолы)
1	2	3

Диссертациялық кеңестің ғалым хатшысы \_\_\_\_\_  
(қолы, тегі, аты, әкесінің аты (болған жағдайда))

Диссертациялық кеңес  
туралы ережеге  
7-қосымша  
Нысан

Докторант туралы мәлімет \_\_\_\_\_

(тегі, аты, әкесінің аты (болған жағдайда))



1	Туған күні және жері, азаматтығы, ұлты	
2	Докторантурада оқығаны туралы мәлімет (ЖОО және оқу мерзімі)	
3	Докторантура мамандығы	
4	Диссертацияның қорғалған орны және күні	
5	Диссертацияның тақырыбы және жазылған тілі	
6	Ғылыми консультанттар (Т.А.Ә. (болған жағдайда), лауазымы, ғылыми дәрежесі, ғылыми атағы, азаматтығы)	
7	Ресми рецензенттер (Т.А.Ә. (болған жағдайда), лауазымы, ғылыми дәрежесі, ғылыми атағы, азаматтығы)	
8	Жарияланымдар саны, барлығы, оның ішінде:	
	Басылымдар тізбесіндегі басылымдарда	
	Web of science (Вэб оф Сайнс) және Scopus (Скопус) базасындағы шетелдік басылымда	
	халықаралық конференция материалдарында, оның ішінде:	
	шетелдік конференция материалдарында	
9	Еңбек жолы	

Мерзімі		Жұмыс орны, лауазымы	Мекеменің мекенжайы
Қабылдау мерзімі	Босату мерзімі		
10	Мекенжайы, байланыс деректері		

Диссертациялық кеңестің ғалым хатшысы \_\_\_\_\_  
(қолы, тегі, аты, әкесінің аты (болған жағдайда))

Мөр, мерзімі 20\_\_ жылғы «\_\_» \_\_\_\_\_